



Պարույր Սևակ

Մեղանշել - գղջում եմ

Պատահել է, որ չեմ սիրել,
Բայց, չգիտեմ՝ ինչի՞ համար,
Չեմ գլացել անսեր տիրել.
Գրկել եմ կամ համբուրել եմ:
Չեմ ընդունել սրտիս խորքում,
Սակայն լռել-համբերել եմ:
Ես շատ հաճախ ա՛յն չեմ տվել,-
Մեղանշել եմ,- կարո՞ղ էի.
Ու շատ հաճախ ցած եմ թևել,
Իսկ վեր թևել կարո՞ղ էի:
Եվ փախուստ եմ ինձնից տվել՝
Ուրիշ տեղ եմ իգուր չվել -
Օտա՛ր ոլորտ՝ օտա՛ր թևով,
Մինչդեռ մնալ կարո՞ղ էի,
Կարո՞ղ էի և - պարտավո՛ր:
Մեղավոր եմ հույսի համար,-
Չարդարացա՛վ՝
Ո՛չ իմ մեղքով.
Եվ կենդանի ա՛յն հավատի,
Որ քարացա՛վ՝
Ո՛չ իմ մեղքով.

Եվ ա՛յն բարի սրտի համար,
Որ չարացա՛վ՝
Ո՛չ իմ մեղքով:
Մեղանշել եմ
Եվ ա՛յն ընթոստ երգի առաջ,
Որ խոհեմըս պատատեցի.
Ա՛յն խոհերի մահվան համար,
Որոնց ծինը խաթարեցի.
Մեղավոր եմ և քո՛ առաջ,
Որ... սիրելուց դադարեցի,
Եվ ա՛յն ներման, որ բռնությամբ
Իմ լայն սրտից վտարեցի...
Իսկ ճիշտն ասած՝
Ընդհանրապես մեղա գալու քի՛չ բան ունեմ...

04.V.1957թ. 27.XI.1957թ.

Մոսկվա